

Headline	Gangguan bekalan air pulih		
MediaTitle	Utusan Malaysia (Utara)		
Date	16 Feb 2018	Language	Malay
Circulation	8,443	Readership	25,329
Section	News	Page No	23
ArticleSize	286 cm ²	Journalist	N/A
PR Value	RM 8,089		



ZAMBRY ABD. KADIR diwawancara dalam Program Selamat Pagi Perak di Auditorium RTM di Ipoh, Perak, semalam. - UTUSAN/KAMAL BASIR WAHAB

Gangguan bekalan air pulih

IPOH 15 Feb. - Gangguan bekalan air yang dialami penduduk di kawasan Seri Iskandar dan Parit di Perak Tengah sejak beberapa hari lalu dijangka pulih dalam masa terdekat.

Menteri Besar, Datuk Seri Dr. Zambry Abd. Kadir berkata, gangguan disebabkan paras air Sungai Perak turun mendadak sehingga ke bawah paras operasi minimum menyebabkan Loji Rawatan Air (LRA) Kampung Senin, Bota tidak dapat beroperasi.

"Ekoran gangguan ini, stesen janakuasa Tenaga Nasional Berhad (TNB) mengalirkan air dari empangan di hulu Sungai Perak dan dijangka air akan sampai dalam tempoh 16 hingga 20 jam dan maklumat terbaru ini telah dimaklumkan kepada pihak terlibat.

"Dijangkakan paras air naik di kawasan yang mengalami gangguan bekalan air di sekitar Seri Iskandar," katanya dalam sidang akhbar selepas Program Selamat Pagi Perak di Auditorium RTM Perak, di sini hari ini.

Sementara itu, Pengerusi Jawatankuasa Kemudahan Awam, Infrastruktur, Tenaga dan Air negeri, Datuk Zainol Fadzi Paharudin berkata, Lembaga Air Perak (LAP) memohon kepada TNB untuk meningkatkan perlepasan air dari Empangan

Chenderoh ke Sungai Perak.

Katanya, Jabatan Pengairan dan Saliran (JPS) menganggar-kan aliran air dari Empangan Chenderoh ke Bota dijangka mengambil masa 24 hingga 28 jam.

"Dijangka paras air Sungai Perak meningkat lanjutan daripada peningkatan perlepasan air dari Empangan Chenderoh dan bekalan dapat dipulihkan pada lewat petang atau malam ini," katanya.

Purata pengeluaran semasa air di LRA Kampung Senin ialah 30 juta liter sehari dan masalah bekalan air dialami di seluruh kawasan Seri Iskandar, Universiti Teknologi Mara (UiTM) Seri Iskandar, Universiti Teknologi Petronas (UTP), Bota Kanan dan kawasan sekitarnya.

Zainol Fadzi berkata, pada pagi ini, paras air sungai di takat pengambilan air LRA Kampung Senin mencatatkan peningkatan 0.1 meter dan ini membolehkan loji tersebut menambah kapasiti pengeluarannya.

"LAP sedang memantau keadaan dan sedang berusaha untuk menjalankan pam besar nombor dua dan dijangka paras air Sungai Perak meningkat lanjutan daripada peningkatan perlepasan Empangan Chenderoh dan bekalan dapat dipulihkan," katanya.